

孫多耶致經  
新歲經  
九橫經

父母恩難報經  
群牛譬經

三百五  
學六

49802



元祿九年丙子二月日重脩

皇圖景圖 帝階綴昌

佛日增輝 德輪崇轉

山城州天安寺法金剛院置

法金剛院藏



五經同卷

孫多耶致經

父母恩難報經

新歲經

群牛譬經

九橫經

佛說孫多耶致經

吳月支優婆塞支



聞如是一時佛在舍衛國行在祇樹給孤獨園除饑甚衆佛為說經時有梵志名孫多耶致望見佛即住委杖吐舌念曰吾日三浴嗽果飲水不受人施吾行勝沙門行子曹耳食



字六

好衣温褥訛賢非真不如吾道也佛知梵志  
心之所存告諸沙門曰夫人為行有二十一  
惡不得美食好衣志在姪妹志在瞋恚志在  
愚癡志在睡卧志在疑結謂無應儀志在貢  
高志在憍慢志在嫉妬志在慳貪志在兇虐  
無惻隱心志在虛偽內外相違志在不慙學六內  
無愧心志在穢行不自羞鄙志在彼惡而不  
自見志在泐言不嘆真良志在交話諛成二  
惡志在會鬪不釋兩諍志在無禮自可不謙  
志在遂非不受賢諫志在不考滅慈好逆志  
好邪道供奉妖盃家財虛竭令親困窮不覺  
非常不歸三尊美食好衣從欲奢華以斯二

十一惡穢亂其心猶氎汙染之為色萬無益  
一懷斯衆惡死入地獄餓鬼畜生其猶難量  
沙門觀佛明戒棄故自新練情滅欲內外清  
淨又如淨氎染即成色為衆所觀沙門觀明  
行高智足天下供奉衣食殿舍受之無尤施  
者福大進行禪定獲溝港頻來不還應儀人  
亦聞之沙門雖未得道明佛經義執心端正  
孝順經教弘慈育物潤逮群生怨已安彼視  
怨若子見女人來待之以妹若觀窮苦當念  
地獄餓鬼畜生願令群生身安意喜得逢三  
寶垢除冥滅心淨見明還於本無永康無極  
志行如斯美食好衣終始無罪群生本性貧

媿瞋恚愚癡嫉妬濁中之濁冥中之冥者沙  
門心開受明癡垢都寂雖處穢世猶運華居  
夫泥中泥不能汙華受施無罪夫懷三毒十  
惡不除恣心從欲諂欺求潤不奉佛戒寧吞  
熱鐵飲烊銅斯死須臾穢濁受施死入太山  
歡銅食炭其年難計矣梵志前白佛言吾欲  
學六去浴有溪名好首夫人中浴者意之穢垢隨  
水流漂自聞父教言日三浴佛告梵志斯在  
多溪人入中浴可得獲度苦乎十浴之人可  
除身垢柰心垢何吾詣沙門斷末念空不願  
三界心垢寂滅以得淨道汝從何師受法水  
浴去心垢乎對曰吾父云尔佛言若父得道

不對曰不也佛言吾道從心出心端志淨乃  
得道耳梵志長跪陳白吾向推杖吐舌但為  
狂愚耳今聞佛經心始醒寤猶冥中有燈火  
始今有目矣乞為沙門願佛哀納佛言若有  
親報之對曰無親佛言沙門來即成沙門已  
於樹下坐唯二十一事去諸欲念庸然無想  
即得應儀道起至佛所以頭面著佛足言今  
盲者得視狂病得愈佛言斯道佳耶汝道佳  
乎對曰衆道皆邪唯佛道正佛告諸沙門熟  
唯二十一事道可得矣諸沙門聞經歡喜作  
禮而退

佛說孫多耶致經





佛說父母恩難報經

後漢沙門安世高 譯

聞如是一時婆伽婆在舍衛城祇樹給孤獨

園學六爾時世尊告諸比丘父母於子有大增益

乳哺長養隨時將育四大得成三右肩負父左

肩負母經歷千年更使便利背上然無有怨

心於父母此子猶不足報父母恩若父母無

信教令信獲安隱處無戒與戒教授獲安隱

處不聞使聞教授獲安隱處怪貧教令好施

勸樂教授獲安隱處無智慧教令點慧勸樂

教授獲安隱處如是信如來至真等正覺明  
行成為善逝世間解無上士道法御天人師  
号佛世尊教信法教授獲安隱處諸法甚深  
現身獲果義味甚深如是智者明通此行教  
令信聖衆如來聖衆甚清淨行直不曲常和  
合法法成就戒成就三昧成就智慧成就解  
脫成就解脫見慧成就所謂聖衆四雙八輩  
是謂如來聖衆最尊最貴當尊奉敬仰是世  
間無上福田如是諸子當教父母行慈諸比  
丘有二子所生子所養子是謂比丘有二子  
是故諸比丘當學所生子口出法味如是諸  
比丘當作是學今時諸比丘聞佛所說歡喜

奉行

佛說父母恩難報經



佛說新歲經

東晉沙門竺曇無蘭譯

聞如是一時佛在舍衛國祇樹給孤獨園與

學六

大比丘衆八萬四千人俱舍利弗目連等前  
後圍遶聽佛說經佛處大會猶如須弥衆山  
之王獨峻高顯如月盛滿照于群星威光唯  
景如紫金耀於是場地皆作金色卓然特異  
巍巍無侶於時世尊與比丘衆俱清淨無量

如日如雲終竟三月以至新歲諸比丘衆寂  
然澹泊一心自思念於道定無有異想於是  
賢者阿難即從座起偏袒右臂右膝著地長  
跪叉手前自歸佛足以偈嘆曰

佛尊所以來

遊此以濟護

三月處於斯

祇樹孤獨園

所願以具足

今正是其時

導師無等倫

應宣布新歲

於時世尊聞阿難說偈歎誦至真寂坐一面  
告賢者大目犍連汝往詣三千大千世界幽  
閑山谷峻頂石室悉遍聲告諸比丘衆始進  
舊學逮諸未悟悉使來會於斯祇樹所以者  
何如來以到欲立新歲時大目犍連踊在虛

空承佛聖旨而發洪音告于三千大千世界  
具大響中自然演偈而說頌曰

仁等所以處 林藪山石間 新歲時以到

心所願當成

時諸比丘所在遊居三千大千世界聞斯偈

告各以神足若于方便變現其身到祇樹園

行詣佛所受立新歲并在佛邊合集弟子各

從異方他土來者一時都會凡八十萬四千

億姪欲受新歲彼時世尊告賢者阿難汝往

擊于捷槌時今已到阿難受教即從座起而

搥捷槌聲遍佛土一佛大國地獄餓鬼畜生

閻隄槌音承佛威神一切諸病苦毒悉除皆

得安隱於時世尊以淨梵音告諸比丘汝等  
宜起行舍羅籌各相對悔過自責相謝衆失  
所犯非法各忍和同淨身口心令無餘穢時  
諸比丘即受佛教各從座起在世尊前各各  
相謝懺悔所失訖還復坐其本位

佛時見衆各還位坐佛垂慈愍因從座起而  
自叉手向諸比丘言諸比丘衆當和心相向  
向汝悔過所以者何我身口意儻相違失雖  
無上尊如來至真無有誤失闕漏之業心不  
放逸不失智慧無所貪慕不毀禁戒於諸聲  
聞緣覺中尊德超諸天世間人民三界最長  
而無等侶又諸比丘言若種姓出家學道修

沙門法心性各異志操不同在斯佛業當可  
施行宜奉訓誨不得違犯所以者何若有比  
丘處於聖衆建立新歲身行各異心念不同  
而懷諛諂計彼此丘不受真正不應具戒所  
以者何身口意淨乃善真正受佛具戒心抱  
恭恪順上中下不為慢恣慙愧下意乃應法  
戒字六所以者何如是行者無有怨憎不為結恨  
觀古今法無有憤亂建立新歲亦無瞋恚自  
大之心所以者何戒禁清淨造立新歲建立  
最大戒不清淨非佛弟子猶如死人屍形在  
地棄捐塚間天上世間諸天人人民各賣良藥  
神咒好術慙念療之不能使活如是比丘毀



犯禁戒正使入衆若于新歲不能自救建成  
新歲所以者何是人毀戒會歸自然因還獲  
報地獄餓鬼畜生苦毒酸楚無量汝勤慎之  
佛說是法已即從座起離于草褥尋時三千  
大千世界六反震動箜篌伎樂不鼓自鳴天  
於虛空雨衆名香而散雜華佛說是戒法品  
時告比丘衆時諸比丘各在本座以佛聖旨  
威神之誨功勳光明皆以普周各自起立心  
不復樂在於常坐山巖樹下唯是為欲各從  
座起稽首佛足口自白言一切諸法皆從佛  
受聖則道本為一切護慈愍之目最尊殊特  
聖德無上超絕無侶巍巍堂堂宣布道化於

時如來遷延尊位懺謝聖衆矜愍天下還就  
草褥佛適獲座聖衆亦然各就故位復坐如  
法尔時世尊見歲時到愍念諸會在比丘前  
三白令竟所立畢訖五比丘從座起建立新  
歲適立新歲一萬比丘得成道跡八千比丘  
得阿羅漢虛空詣天八萬四千咸見開化皆  
學六發無上正真道意講說經法不可計數衆生  
之類建立三乘今佛慈哀枉屈至尊處在衆  
坐度脫危厄十方蒙濟於時難頭和難龍王  
各捨本居皆持澤香栴檀雜香往詣佛所至  
雜歲場歸命於佛及與聖衆稽首足下以栴  
檀雜香供養佛及比丘僧便以斯偈而歎頌

曰

其在於山巖

坐於蔭樹下

若遊於大海

而懷飢暍恨

來坐立新歲

億載衆生集

供養悉奉佛

得成甘露門

於時海龍王賈赤真珠化作上妙交露閣帳

廣長四百里紫紺瑠璃而共合成手執擎持

行虛空中出龍宮上從交露閣八味水池流

清灑地供養如來及比丘衆以交露閣貢上

大聖及比丘僧以珠瓔珞散佛聖衆即說偈

言

清淨如虛空

等一自然無

禁戒最清淨

踰珍妙明珠

無央數衆輩

坐在於大會

悉供養安住 及諸聲聞衆

尔時十方諸菩薩天龍神王各從十方面而  
來合會化作若于奇妙供具供養世尊及比  
丘衆稽首歸命諮受經典各獲如是等無有  
異咸來稽首皆發無上正真道意於是天人  
各各發心供養世尊及諸聖衆以偈歎曰  
其心已清淨學六 第一無思議 聖衆最尊長  
在於會中坐 去離一切想 善除衆垢穢

今日奉供養 所敬不可議 開化掌衆難

一切諸塵勞 具戒禁清淨 猶寶明月珠

常心思惟正 斷衆結瞋恨 今日離垢尊

合會立新歲 誨心難調化 遵行猶太山

時諸天人說是偈已稽首佛足忽然不現各  
歸本宮而各欣悅以法自娛於時世尊顯大  
蔭涼衆寶交露以布聖衆便說此偈

其戒最清淨 所行甚難逮 今日以樂施

覆遍立新歲 貢上安住子 護戒甚清淨

如鷲愛其毛 佛威護新歲

佛告諸比丘今佛世尊雖新歲一年一會修  
行法則清淨道護嚴身口意三事無穢奉行  
十善四等六度蠲除六情三毒五蓋十二牽  
連淨如日出照於天下明暉照耀衆宜消索  
入于道明無上正真一切和同苦樂無二乃  
應道法佛於是即說頌曰

諸佛興出快  
說經法亦快  
聖眾和同快  
和常得安隱

佛說如是諸比丘眾諸天龍鬼神阿須倫世  
間人民聞佛所說莫不歡喜作禮而去

最尊行為在舍衛  
為眾弟子說如是

一切為在祇樹會  
今鉢和蘭造為常

學六舍利弗羅叉手白佛  
願聞等見鉢和蘭

三界有名談說時  
比丘自淨法云何

舍利弗羅叉手白佛  
為於樹下降魔力

若曹布草亦如是  
今汝所生當自淨

如應賢者坐  
是為無所畏  
已坐樂無欲

在三界安隱  
憂行今已竟  
為是佛弟子

當谷自分別 慙傷在世間 今是歲大月  
為覺第一智 能自捨身行 見斷若于苦  
為說諸罪惱 覺知無數苦 是已得道迹  
今為鉢和蘭 貧欲瞋恚薄 亦能除本癡  
為能斷生死 亦不惱想根 自致得天上  
亦來生人間 是已得二道 今為鉢和蘭  
已致得天上 亦不得下生 為在所生天  
諸受為已滅 世間第一法 尊行為已得  
是已得二道 今為鉢和蘭 一切諸惡惱  
為盡得解脫 已得四甘露 是為無所畏  
諸宜為已壞 所向一切苦 是二四最道  
今為鉢和蘭

一月已竟即一智 二月已到便得二智

一時三月便得三智快樂三智今為鉢和蘭

已拔四瘡無有餘者 已度岸住為得安隱

已竟四月為無所者 已成功德今為鉢和蘭

能伏龍頭難頭和羅 須弥山動亦并海水

所致天處皆為其動目捷連翼今為鉢和蘭

自覺最賢者字六 為諸處已盡 為世間祐者

佛自說是語 常獨行樹間 為譬喻如群

為最辟支佛 今為鉢和蘭 三處不復著

衆為意清淨 三神為已定 為已離憍慢

在三界無欲 亦不動靜意 安譬如須弥

今為鉢和蘭 已行在右四 八四道為已定



佛說是賢者 最為衆增德 所禱施最安  
終無有能敗 佛得衆聚慧 今為鉢和蘭  
持戒為已具 衆力不能動 法食衣被服  
常樂在山間 是為已堅行 具足無瑕穢  
清淨行者地 今為鉢和蘭 持戒斷諸惡  
衆又手受法 為一切所向 衆魔皆為伏  
諸天常善人 稱譽戒具足 不復覩衆魔  
今為鉢和蘭

佛說新歲經

佛說群牛譬經

西晉沙門法炬譯



聞如是一時婆伽婆在舍衛城祇樹給孤獨  
園尔時世尊告諸比丘譬如群牛志性調良  
所至到處擇軟草食飲清涼水時有一驢便  
作是念此諸群牛志性調良所至到處擇軟  
草食飲清涼水我今亦可教彼擇軟草食飲  
清涼水時彼驢入群牛中前脚跑土觸燒彼  
群牛亦教群牛鳴吼然不能改其聲我亦是  
牛我亦是牛然彼群牛以角觸殺而捨之去  
此亦如是

若有一比丘不精進修惡法非沙門言是沙  
門不修梵行言修梵行亦不多聞邪見威儀  
不具足行步來往屈伸俯仰不解著衣持鉢

不能延得衣被。食飲床卧具病瘦醫藥。彼若見比丘精進修善法於沙門中。成沙門行。修梵行。多聞博學。而修善法。威儀悉善。行步來往。屈伸俯仰。著衣持鉢。不失禮節。得衣被飲食。牀卧具病瘦醫藥。時惡行比丘便作是念。此衆多比丘精進修善法於沙門。成沙門行。於梵行。成梵行。威儀具足。行步來往。屈伸俯仰。著衣持鉢。皆悉備具。是得衣被飲食。牀卧具病瘦醫藥。皆已備具。我今可入彼衆中。我亦當得衣被飲食。牀卧具病瘦醫藥。

時惡比丘修惡法。魚沙門行。言是沙門。無梵行。言修梵行。少聞有諸惡見。使入彼衆。多精

進比丘所欲敬彼威儀禮節行步來往屈伸  
 俯仰著衣持鉢如彼微妙比丘精進修善法  
 行步來往屈伸俯仰著衣持鉢便作是言我  
 是沙門我是沙門時微妙比丘皆悉證知此  
 比丘不精進言精進非沙門言是沙門不修  
 梵行言是梵行不多聞有諸邪見時諸微妙  
字六  
 比丘便擯出界外汝速出去莫住我眾譬如  
 被群牛志性調良駟出彼驢是故諸比丘非  
 沙門行非婆羅門行當捨離之諸沙門善行  
 及婆羅門善行當善諷誦持如是諸比丘當  
 作是學尔時諸比丘聞佛所說歡喜奉行  
 佛說群牛譬經

佛說九橫經

後漢沙門 安世高譯

佛在舍衛國祇樹給孤獨園佛便告比丘有  
九輩九因緣命未盡便橫死一者為不應飯  
為飯二者為不量飯三者為不習飯飯四者  
為不出生五者為止熟六者為不持戒七者  
為近惡知識八者為入里不時不如法行九  
者為可避不避如是為九因緣人命為橫盡  
一不應飯者名為不可意飯亦為以飽腸不  
停調二不量飯者名為不知節度多飯過足  
飯三者不習飯者名為不知時冬夏為至他  
國郡不知俗宜不能稍飯食未習故四不出

比丘

生者名為飯物未消復上飯不服藥吐下不  
 時消五為止熟者名為大便小便來時不即  
 時行噫吐噎下風來時制六不持戒者名為  
 犯五戒殺盜犯他人婦兩舌飲酒亦有餘戒  
 以犯便入縣官或絃死或撞杖利刃所斫刺  
 或辜飢渴而終或以得脫從怨家得手死或  
 驚怖學六念罪憂死七為近惡知識者十三名為惡知  
 識已作惡便反坐何以故坐不難惡知識故  
 不覺善惡不計惡知識惡能不思惡知識惡  
 八為入里不時者名為冥行亦里有諍時行  
 亦里有縣官長吏追捕不避不如法行者入  
 里妄入他家舍中妄見不可見海聽不可聽

妄犯不可犯妄說不可說妄憂不可憂妄索  
不可索九為可避不避者各為當避愍象愍  
馬牛奔車虵蝎坑井水火拔刀醉人惡人亦  
餘若于惡如是為九因緣輩人命未盡當吐  
是盡惡人當識當避是因緣以避乃得兩福  
一者得長壽二者以長壽乃得聞道好語言亦  
能行諸比丘歡喜受

佛說九橫經六

字

孫多耶致經

除鐘

下渠  
鎮反

禱

音辱

姪

下夷  
一反

克虐

下魚  
却反

惻

昌側  
反

羞鄙

下碑  
反美

繫

音蹀

洪言

上夷  
一反

詭

助街  
反

妖盪

下野



溝港音上講也音上鈞下音上烱銅音上唐然音上夫

父母恩難報經

乳哺下音點慧上音八音上反

新歲經

峻私音澹泊二字音洪音上音林藪下音垓

姪古音捷上音槌直音下音上搨陸瓜音志操下音

諛諂學下音恭恪各下音酸楚官上音紉音上鵠音上

蜀俱音祠音上瑕穢音上

群牛譬經

輓草上音跑土上音觸下音狡音上教胡音

同効音上觥音上擯出上音九橫音上孟音上

九橫音上孟音上

噫吐 上 憶 嚏 帝 噴 又 拄 杖 上 之 追捕 下 音 慙  
 并減 反 弊 奔 疥 申 反 馳 虺 下 許 鬼 反 螻 蝻  
 毗祭 反

字六



山城國綴喜郡新村

靈瑞山剛恩菴少門宗徒書寫

十五

